



ԵՏՐԱԳՐԱԿԱՆ

ՎԵՐԱԾՆՎԱԾ ՀԱՅՐԵՆԻՔՆ ՈՒ ՆՐԱ ԽՈՐՀՈՒՐԴԸ

Նոյեմբերի 29-ին լրանում է հայ նոր պետականության՝ Հայաստանի Սովետական Հանրապետության 63-րդ տարեդարձը: Ողջ հայ ժողովուրդը, ի Հայաստան և ի սփյուռք աշխարհի, գիտակից նախանձախնդրությամբ և հպարտությամբ է նշում այդ պանծալի հոբելանսը: Այո՛, գիտակից նախանձախնդրությամբ, որովհետև մեր բազմաշարժար ժողովուրդը քաջ գիտակցում է պատմական այն մեծ դերն ու նշանակությունը, որ ունեցավ Նոյեմբերյան արշալույսը մեր ժողովրդի կյանքում, այն է՝ փրկություն և վերածնունդ: Նշում է նաև հպարտությամբ, քանի որ մեր տեսլապաշտ ժողովուրդը, որ գիտեր խաչքար կերտել և նրա կախարդական նախշերի մեջ իր գոյատևման անմահ խորհուրդը դնել, որ գիտեր ձեռագիր ծաղկել և այդ մանրանկարների մեջ իր ապագա վերածննդյան հույսն ու տենչանքը մարմնավորել, դարերի ստրկությունից հետո վերջապես կարողացավ նվաճել իր հայրենի հողն ու պատիվը, իր ազատությունն ու իր խաղաղությունը, կարողացավ իրականության վերածել իր լուսաբնակ նախնյաց տեսիլքը:

Լավ հասկանալու համար նոյեմբերի 29-ի խորհուրդը, հարկավոր է մի փոքր ակնարկ նետել մեր ժողովրդի պատմության, հատկապես վերջին շրջանի արյունոտ պատմության վրա: Անցյալի ավելի քան վեց հարյուր տարիների անընդմեջ բռնությունները, մահաբեր հողմերն ու թափված արյան հեղեղները երբեք չկարողացան մեր ժողովրդի սրտում մարել պայծառ ապագայի հույսն ու հավատը: Եղել են ժամանակներ, երբ թվացել է, թե պետք է ընդմիջտ մարեր այդ հավատը: Եղավ ժա-

մանակ, երբ գերեզմանվեց մեր ժողովրդի մի սովոր հատվածը 1915 թ. Ապրիլյան եղեռնին: Բայց հայերը նորից ուժ գտան և Սարդարապատի հերոսամարտով՝ ապացուցեցին, որ դեռևս ապրում են, շնչում ու կարող են հաղթանակել:

Այլումարբու թշնամին չէր հագեցել շուրջ երկու միլիոն հայ նահատակների անմեղ արյամբ և ծրագրել էր գերեզմանել նաև Արևելյան Հայաստանը: Թվում է, թե 1920-ին Ալեքսանդրապոլի տխրահռչակ դաշնագրով պետք է ընդմիջտ մարեր հայ ժողովրդի փրկության հույսը: Բայց ահա հնչեց փրկության ժամը, երբ Հայաստանում հաստատվեցին խորհրդային կարգեր, չեղյալ հայտարարվեց Ալեքսանդրապոլի ամոթալի պայմանագիրը և դուրս շարտվեց թշնամին՝ Հայաստանից: Փաստորեն, ինչպես մի առիթով նշել է Վեհափառ Հայրապետը իր ճառերից մեկում, «Նոյեմբեր 29-ով փրկվեցավ այն, ինչ որ շահած էինք Սարդարապատով: Սա կենսական կարևորություն ունեցող ճշմարտություն մըն է: Նոյեմբեր 29-ն է, որ պատռեց սև դաշնագիրը Ալեքսանդրապոլի, դուրս վտարեց Քաղաքներ փաշայի զորքերը Հայաստանեն և վերջնականապես ամրացուց հիմքերը նորաստեղծ հայ պետության՝ անվտանգության, խաղաղության և աննախընթաց զարգացումի և վերաշինության պայմաններու մեջ» (Վալզեն Ա Հայրապետ Հայոց, գիրք չորրորդ, էջ 122):

Նոյեմբերի 29-ով մեր ժողովուրդը բռնեց խաղաղ շինարարության և բարգավաճման փառավոր ուղի: Իսկ դրա ապացույցը հենց այսօրվա Հայաստանն է՝ իր միլիոնանոց



ՏԵՍԱՐԱՆ ԵՐԵՎԱՆԻՑ. ԿԵՆՏՐՈՆՈՒՄ ԿՈՄԻՏԱՍԻ ԱՆՎԱՆ ԿԱՍԵՐԱՅԻՆ ՏՈՒՆԸ

Երևանով, իր շեն ու բարեկարգ քաղաքներով ու գյուղերով, իր Ծիծեռնակաբերդով, Արփա-Սևանով, գիտությունների ակադեմիայով ու Մատենադարանով, իր նորակառույց մետրո-լով ու «Զվարթնոց» օդանավակայանով, մար-վա-համերգային համալիրով...

Եվ մի պահ խորհում ես. ի՞նչ կլիներ, եթե մեր երկրում չհաստատվեին խորհրդային կարգեր, ի՞նչ կլիներ, եթե չջողար Նոյեմբերյան արշալույսը: Պատասխանը ավելի քան սարսափալից է: Մեր ժողովուրդը որպես ազգություն հավետ կկորչեր աշխարհի երե-սից: Իսկ արտասահմանի մեր հայ եղբայր-ները կդառնային թանգարանային առարկա:

Այսօր մեր ժողովրդի բոլոր վավակները, ի Հայաստան և ի սփյուռս աշխարհի, պետք է լավ ըմբռնեն նոյեմբերի 29-ի այս հիմնական խորհուրդը՝ փրկություն, վերածնունդ ու գո-յատևում:

Նոյեմբերյան այս տոներին իր սրտաբուխ օրհնությունն ու ջերմ խնդակցությունն է բե-բերում նաև Մայր Աթոռ Ս. Էջմիածինը և Հա-յաստանյայց Առաքելական Եկեղեցին՝ իր հայրենասեր Հայրապետի գլխավորությամբ, հայրենիքի բարօրության, խաղաղության և ապահովության համար սրտագին աղոթքով. «Օրհնեսցի և պահպանեսցի և նախախնա-մեալ պահեսցի Արևելեան կողմն աշխարհի, Հայրապետութիւն և Հանրապետութիւն Հա-յոց»:

Մայր Աթոռ Ս. Էջմիածնի վերջին 63 տա-րին անցել է Հայաստանում սովետական կարգերի ամրապնդման պայմաններում, հայ-րենի պետության խաղաղ և ապահով հովա-

նու տակ: Մեր ժողովուրդը և մեր Եկեղեցին լավ գիտեն խաղաղության գինը և, քաղելով նրա պտուղները, ըստ արժանվույն են գնա-հատում այն: 63 տարի է, ինչ հայոց հողը չի կոխոտվել ոսոխի կողմից: Եվ այդ խաղաղ տարիներին մայր հայրենիքի կողքին բար-գավաճել է նաև Մայր Աթոռ Ս. Էջմիածինը՝ իր հոգևոր կյանքի վարթոնքով, պատմական հուշարձանների, վանքերի ու եկեղեցիների վերանորոգումով, հատկապես, ինչպես նշել է Վեհափառ Հայրապետը, «Ս. Էջմիածնի աննախընթաց ջրեղացումով»: Մեր Եկեղե-ցին, որ լիուլի վայելում է հայրենի կառավա-րության բարյացակամությունը, օրավուր ծաղկում ու ջենանում է:

Հայ Եկեղեցու ներկայիս հովվապետը՝ Ս. Տ. Վազգեն Առաջինը, հետևելով իր հայրե-նասեր նախորդների իմաստուն ընթացքին. իր գործոն մասնակցությունն է բերում հայ-րենի երկրի վերաջինմանն ու հայ ժողովրդի ազգային միասնության կենսագործմանը:

Այո՛, Ասենայն Հայոց Հայրապետը մեր օ-րերի խորհրդանիշն է դարձել մայր հայրենի-քի և արտասահմանի հայության միասնու-թյունը պահպանելու և ամրապնդելու գոր-ծում:

Թող է՛լ ավելի ծաղկի ու բարգավաճի մեր մայր հայրենիքը, թող է՛լ ավելի պայծառանա մեր Ս. Եկեղեցին: Թող Նախախնամության Աջով և հայ ժողովրդի աշխատունակ բազուկ-ներով ու ոգեղեն համաճարով ընդմիջտ օրի-նըվի, պահպանվի և բարեկարգվի «Արևելեան կողմն աշխարհի, Հայրապետութիւն և Հան-րապետութիւն Հայոց»:

